


萬首唐人絕句 卅三下廿四



漢書門			
三	八	二	一
〇	三	一	三
冊	架	函	號

庫文閣內			
三	一		漢
九	一		書
函	三		
一	〇		
一	冊	號	類

內閣文庫	
番號	漢 11223
冊數	30 (20)
函號	319 68



書

館

同
書

江南煙雨塞鴻飛。西府文章謝掾歸。相送汀洲

蘭杜晚菱歌。一曲淚霑衣。類苑

宿青陽驛

空山搖落三秋暮。螢過疎簾月露團。寂寞孤燈

愁不寐。蕭蕭風竹夜窻寒。類苑

送盧起居

相如擁傳有光暉。何事闌干淚溼衣。舊府東山

餘妓在。重將歌舞送君歸。

送張諫議

漢庭從事五人來。白首疆場獨未回。今日送君

萬壽

二二

唐詩集卷之二十三
二四
鬼斷處寒江寥落數株梅

題嘉陵驛

悠悠風旆繞山川山驛空濛雨似煙路半嘉陵
頭已白蜀門西更上青天

類苑

送柳郎中

望鄉臺下秦人去學射山中杜魄哀落日河橋
千騎別春風寂寞旆旌回

春日偶題

山川百戰古刀州龍節來分聖主憂靜守化條
無一事春風獨上望京樓

類苑

聽歌

月上重樓絲管秋佳人夜唱古梁州滿堂誰是
知音者不惜千金與莫愁

類苑

唐昌觀玉蘂花

琪樹年年玉蘂新洞宮長閉彩霞春日暮落英
鋪地雪獻花無復九天人

類苑

送李侍御之鳳翔

柳暗花明池上山高樓歌酒換離顏他時欲寄
相思字何處黃雲是隴關

類苑

贈佳人二首

步搖金翠玉搔頭。傾國傾城勝莫愁。若逞僂姿游洛浦。定知神女謝風流。類苑

林鶯一啣四時春。蟬翼羅衣白玉人。曾逐使君歌舞地。清聲長咽翠眉顰。類苑

送魏正則擢第歸江陵

商山路接玉山深。古木蒼然晝合陰。會府登筵君最少。江城秋至肯驚心。類苑

登闔閭古城

登高遠望自傷情。柳發花開映古城。全盛已隨流水去。黃鸝空轉舊春聲。

山居

身依泉壑將時背。路入煙蘿得地深。終歲不知城郭事。手栽松竹盡成陰。類苑

夜雨憶郭通微

桃源未去阻風塵。世事悠悠又遇春。雨滴閑階清夜久。焚香偏憶白雲人。類苑

送巖秀才

灞澹別離腸已斷。江山迢遞信仍稀。送君偏下臨岐淚。家在南州身未歸。類苑

春亭雪夜寄西鄰二舍人

廣庭飛雪對愁人，寒谷由來不悟春。卻笑山陰乘興夜，何如今日戴家鄰。類苑

酬韋甯曹

相逢異縣蹉跎意，無復少年容易歡。桃李美人攀折盡，何如松柏四時寒。類苑

同幕府夜宴惜花二首

芳草落花明月榭，朝雲暮雨錦城春。莫愁紅豔風前散，自有青娥鏡裏人。類苑

五侯門館百花繁，紅燭搖風白雪翻。不似鳳皇池畔見，飄揚今隔上林園。類苑

酬韋甯曹登天長寺見寄

青門幾度霑曾淚，併在東林雪外峯。今日重煩相憶處，春光知遶鳳池濃。類苑

陌上暮春

青青南陌柳如絲，柳色鶯聲晚日遲。何處最傷游客思，春風三月落花時。

春日偶作

飛花寂寂燕雙雙，南客衡門對楚江。惆悵管弦何處發，春風吹到讀書窻。

春暮寄杜嘉興兄弟

萬首絕句 卷之二十三 三

萬首絕句卷之二十三
二七
柳色千家與萬家。輕風細雨落殘花。數枝瓊玉無由見。空掩柴扉度歲華。類苑闕

渡淮

暮濤凝雪長淮水。細雨飛梅五月天。行子不須愁夜泊。綠楊多處有人烟。類苑闕

訪裴校書不遇

梨花落盡柳花時。庭樹流鶯日過遲。幾度相思不相見。春風何處有佳期。

秋原寓目

木落風高天宇開。秋原一望思悠哉。邊城今是

射鵬騎。連鴈嗷嗷何處來。類苑闕

立秋華原南館別二客

風入泥陽池館秋。片雲孤鶴兩難留。明朝獨向青山郭。惟有蟬聲催白頭。

代佳人贈張郎中

洛陽佳麗本神僊。冰雪顏容桃李年。心愛阮郎畱不住。獨將珠淚溼紅鉛。類苑闕

送嚴侍御赴黔中因訪僊源之事

武陵源在朗江東。流水飛花僊洞中。莫問阮郎千古事。綠楊深處翠霞空。類苑闕

使次盤豆驛望永樂縣

山川不記何年別，城郭應非昔所經。欲駐征車終日望，大河雲雨晦冥冥。類苑

餞裴行軍赴朝命三首

三年同看錦城花，銀燭連霄照綺霞。報國從來先意氣，臨岐不用重咨嗟。類苑

珠履三千醉不歡，玉人猶若飲冰寒。送君空有無言淚，足下關山行路難。類苑

來時聖主假炎暉，心恃朝恩計日歸。誰料忽成雲雨別，獨將邊淚灑戎衣。類苑

緱山道中

秋山寂寞秋水清，寒郊木葉飛無聲。王子白雲僊去久，洛濱行客夜吹笙。類苑

歲暮送舍人使京

邊城歲盡望鄉關，身逐戎旌未得還。欲別臨岐無限淚，故園花發寄君攀。

寓興

二月楊花飛滿空，飄飄十里雪如風。不知何處香醪熟，願醉潘園芳樹中。類苑

塞上春懷

東風河外五城喧南客征袍滿淚痕愁至獨登
高處望藹然雲樹重傷冤類苑

塞外月夜寄荆南熊侍御

南依劉表北劉琨征戰年年簫鼓喧雲雨一
堆千萬里長城秋月洞庭猿類苑

秋日經潼關感寓

昔年曾逐漢征東三授兵符百戰中力保山河
嗟下世秋風牢落故營空類苑

贈歌人

僊歌靜轉玉簫催疑是流鶯禁苑來它日相思

夢巫峽莫教雲雨晦陽臺類苑

鄂渚送人

雲帆眇眇巴陵渡煙樹蒼蒼故郢城江上梅花
無數發送君南浦不勝情

韋常侍以賓客致仕同諸公題壁

孤雲永日自徘徊巖館蒼蒼遍綠苔望苑忽驚
新詔下彩鸞歸處玉籠開類苑

送崔舍人二首

赤墀同拜紫泥封四牡連徵侍九重惟有白鬚
張司馬不言名利尚相從類苑

芳郊欲別闌干淚故國難期聚散雲分手更逢
江館暮馬嘶猿嘯不堪聞類苑闕

單于罷戰卻歸題善陽館

單于南過善陽關身逐歸雲到處閑曾是五年
蓮府客每聞胡虜哭陰山類苑闕

學僊難

玉殿笙歌漢帝愁鸞龍儼駕望瀛洲黃金化盡
方士死青天欲上無緣由類苑闕

春曉聞鶯

寂寂蘭臺曉夢驚綠林殘月思孤鶯猶疑蜀魄

千年恨化作冤禽萬轉聲類苑闕

聞嚴祕書與諸客夜會

衡門寥落歲陰窮露溼莓苔葉厭風聞道今宵

阮家會竹林明月七人同類苑闕

聞王仲周所居牡丹花發戲贈

聞說亭花秀暮春長安才子看須頻花開花落
無人見借問何人是主人類苑闕

酬王十八見招

王昌家直在城東落盡林花昨夜風多興不辭
千日醉隨君走馬向新豐類苑闕

無題

麻衣如雪一枝梅笑掩微妝入夢來若到越溪逢越女紅蓮池裏白蓮開

類苑闕

見郭侍郎題壁

萬里楓江偶問程青苔壁上故人名悠悠身世恨南北一別十年空復情

類苑闕

郊舍寓目

晨趨禁掖暮郊園松桂蒼蒼煙露繁明月上時羣動息雪峯高處正當門

類苑闕

單于曉角

胡兒吹角漢城頭月皎霜寒大漠秋三奏未終天便曉何人不起望鄉愁

類苑闕

汴州聞笛

何處金笳月裏悲悠悠邊客夢先知單于城上關山曲今日中原總解吹

送白將軍

紅燭芳筵惜夜分歌樓管咽思難聞早知怨別人間世不下青山老白雲

類苑闕

題李將軍林亭

落英飄葉雪紛紛啼鳥如悲霍冠軍逝水不回

南首終年入卷之二十三
弦管絕玉樓迢遞鎖浮雲

送崔總赴池州

春風絲管怨津樓
二奏行人醉不畱
別後相思江上岸
落花飛處杜鵑愁

秋日出遊偶作

黃花丹葉滿江城
漸愛江頭風景清
閑步欲舒山野性
貌貅不許獨行行類苑

贈別崔起居

三十年前會府同
紅顏銷盡兩成翁
別淚共將何處灑
錦江南渡足春風類苑

休暇日中書相公致齋禁省因以寄贈

嘗聞聖主得賢臣
二接能令四海春
月滿禁垣齋沐夜
清吟屬和更何人補

尋三藏上人

北風吹雪暮蕭蕭
問灑尋僧上界遙
臨水手持筇竹杖
逢君不語指芭蕉補

長安賊中寄題江南所居茱萸樹

手種茱萸舊井傍
幾回春露又秋霜
今來獨向秦中見
攀折無時不斷腸補

春日酬熊執易南庭花發見贈

千株桃李參差發想見花時人卻愁曾忝陸機
琴酒會春亭惟願一淹留補

戲贈韓二秀才

名高折桂芳年少心苦為文命未通聞說東堂
今有待飛鳴何處及春風補

夏日寄陸三逢陸四逢併王念八仲周

士衡兄弟舊齊名還似當年在洛城聞說重門
方隱相古槐高柳夏陰清補

涼風亭睡覺

裴度

飽食緩行新睡覺一甌新茗侍兒煎脫巾斜倚

繩牀坐風送水聲來耳邊類苑

闕

雪中訝諸公不相訪

憶昨雨多泥又淡猶能攜妓遠過尋滿空亂雪
花相似何事居然無賞心類苑

闕

重到惠山二首

李紳

碧峯依舊松筠老重得經過已白頭俱是海天
黃葉信兩逢霜節菊花秋類苑

闕

望中白鶴憐歸翼行處青苔恨昔遊還向竹窻
名姓下藪行添記別離愁類苑

闕

答章孝標

假金方用真金鍍若是真金不鍍金十載長安
得一第何須空腹用高心來詩有金鞍
鍍了詩之句

朱槿花

瘴煙長暖無霜雪槿豔繁花滿樹紅每歎芳菲
四時厭不知開落有春風類苑

至潭州聞猿

昔陪天上三秋客今作端州萬里人湘浦更聞
猿夜嘯斷腸無淚可霑巾類苑

江亭

江昏霧遠天合欲作家書更斷腸今日病身

悲壯候豈能薶骨向炎荒類苑

紅蕉花

紅蕉花漾炎方識瘴水溪邊色最深葉滿叢深
殷似火不惟燒眼更燒身類苑

憶漢月

花開花落無時節春去春來有底憑燕子不藏
雷不蠶燭煙昏霧暗騰騰類苑

端州江亭得家書二首

雨中鵲語喧江樹風處蛛絲颺水溥開拆遠書
何事喜數行家信抵千金類苑

長安別日春風早，嶺外今來白露秋。莫道淮南悲木葉，不聞搖落更堪愁。類苑

聞猿

見說三聲巴峽深，此時行者盡霑襟。端州江口連雲處，始信哀猿傷客心。類苑

贈韋金吾

自報金吾主禁兵，腰間寶劍重橫行。接輿也是狂歌客，更就將軍乞一聲。類苑

龜山寺魚池

汲水添池活白蓮，十千鬢鬣盡生天。凡庸不識

慈悲意，自葬江魚入九泉。

卻望無錫芙蓉湖五首

水寬山遠煙嵐迴，柳岸縈回在碧流。清晝不風

鳧鴈少，卻疑初夢鏡湖秋。類苑

丹橘村邊燭火微，碧波明處鴈初飛。蕭條落日

垂楊岸，隔水寥寥聞搗衣。類苑

逐波雲彩參差遠，背日嵐光隱見深。猶似望中

連海樹，月生湖上是山陰。類苑

舊山認得煙嵐近，湖水平鋪碧岫間。喜見雲泉

還悵望，自慙山客不歸山。類苑

萬首續集卷之二十三
翠崖幽谷分明處倦鳥歸雲在睥前惆悵白頭
為四老遠隨塵土去伊川類苑

柳

陶令門前胃接籬亞夫營裏拂朱旗人事推移
無舊物年年春至綠垂絲
千條垂柳拂金絲日暖牽風葉學眉愁見花飛
狂不定還同輕薄五陵兒

歸燕獻王司

章孝標

舊累危巢泥已落今年故向社前歸連雲大厦
無棲處更傍誰家門戶飛

及第後寄淮南李相公

及第全勝十政官金鞍鍍了出長安馬頭漸入
揚州路為報時人洗眼看

春雪獻李相公

六出飛花處處飄黏窻拂砌上寒條朱門到曉
難盈尺盡是二軍喜氣銷

題杭州樟亭驛

樟亭驛上題詩客一半尋為山下塵世事日隨
流水去紅花還似白頭人

贈陸鬯浙西進詩除官

帝城雲物得陽春水國煙花失主人昨日天風
吹樂府六宮絲管一時新補

鯉魚

睚似真珠鱗似金時時動浪出還沈河中得上
龍門去不歎江湖歲月深補

飢鷹詞

遙想平原兔正肥千迴礪吻振毛衣縱令啄解
絲繚結未得人呼不設飛補

日者

十指中央了五行說人休咎見前生我來本乞

真消息卻怕呵錢卦欲成補

夢鄉

家在吳王舊苑東屋頭山水勝屏風尋常夢在
秋江上釣艇游揚蕩葉中補

諸葛武侯廟

木牛零落陣圖殘山姥燒殘古柏寒七縱七擒
何處在茅花櫪葉蓋神壇補

失題

明日鑿輿欲向東守宮金翠帶愁紅九門佳氣
已西去千里花開一夜風類補

宋洪魏公進萬首唐人絕句卷之二十四

明吳郡趙宦允凡夫彙定

靈巖黃習遠伯傳竄補

七言十四 中唐十一

烏栖曲

王建

章華宮人夜上樓君王望月西山頭夜深宮殿
門不鎖白露滿山山葉墮

主人故池

曲池高閣相連起荷葉團團蓋秋水主人已遠
涼風生舊客不來芙蓉死

類苑關

長安別

長安清明好時節只宜相送不宜別惡他牀上
銅片明照見離人白頭髮類苑闕

宮人斜

未央牆西青艸路宮人斜裏紅妝墓一過載出
一邊來更衣不減尋常數類苑闕

春詞

良人早朝半夜起櫻桃如珠露如水下堂把火
送郎回移枕重眠曉窗裏類苑闕

野池

野池水滿連秋隄菱花結實蒲葉齊川口雨晴
風復止蜻蜒上下魚東西類苑闕

秋夜曲

秋鐙向壁掩洞房良人此夜直明光天河悠悠
漏水長南斗北斗兩相當類苑闕

別曲

毒蛇在腸瘡滿背去年別家今別第馬頭對哭
各東西天邊柳絮無根蒂類苑闕

古謠二首

一東一西隴頭水一聚一散天邊霞一來一去

道上客一顛一倒池中麻

宛宛轉轉勝上紗紅紅綠綠苑中花紛紛汨汨

夜飛雅宋宋冥冥離人家類苑闕

玉藥花

一樹籠鬚玉刻成飄廊點地色輕輕女冠夜覓

香來處惟見階前碎月明

歸山莊

長安寄食半年餘重向人邊乞薦書山路獨歸

衝夜雪落斜騎馬避柴車類苑闕

寒食憶歸

京中曹局無多事寒食貧兒要在家遮莫杏園

勝別處亦須歸看傍村花類苑闕

題崔秀才里居

自知名出休呈卷愛去人家遠處居時復打門

無別事鋪頭來索買殘書類苑闕

酬栢侍御答酒

茱萸酒灑大家同好是盛來白碗中這度自知

顏色重不消詩裏弄谿翁類苑闕

別藥欄

芍藥丁香手裏栽臨行一日繞千回外人應怪

萬首總集卷之廿四
難辭別總是山中自取來

類苑闕

長門

長門閉定不求生，燒卻頭花卸卻箏。
病臥玉窻秋雨下，遙聞別院喚人聲。

類苑闕

題渭亭

雲開遠水傍秋天，沙岸蒲帆隔野煙。
一片蔡州青艸色，日西鋪在古臺邊。

類苑闕

喜祥山館

夜過浹山算驛程，三回黑地聽泉聲。
自離車馬身輕健，得向谿邊盡足行。

類苑闕

上田尚書

去婦何辭見六親，手中刀尺不如人。
可憐池閣秋風夜，愁綠嬌紅一遍新。

類苑闕

雨中寄東谿韋處士

雨中谿破無乾地，浸着牀頭溼着書。
一箇月來山水隔，不知茅屋若爲居。

類苑闕

乞竹

乞取池西三兩竿，房前栽着病時看。
亦知自惜難判割，猶勝橫根引出欄。

人家看花

年少狂疎逐君馬去來憔悴到京華恨無閑地
栽僊藥長傍人家看好花類苑闕

未央風

五更先起玉階東漸入千門萬戶中總向高樓
吹舞袖秋風還不及春風類苑闕

贈李僕射二首

和雪翻營一夜行神旗凍定馬無聲遙看火號
連營赤知是先鋒上得城

旗旛四面著營稠手詔顛來老將憂每日城南
空挑戰不知生縛入唐州

送遷客

萬里潮州一逐臣悠悠青艸海邊春天涯莫道
無回日上顛還逢向北人類苑闕

廢寺

廢寺亂來為縣驛荒松老栢不生煙空廊屋漏
畫僧盡梁上猶書天寶年類苑闕

題禪師房

浮生不住葉隨風填海移山總是空長向人間
愁老病誰來閑坐此房中類苑闕

看石楠花

留得行人忘卻歸雨中須是石楠枝明朝獨上
銅臺路容見花開少許時類苑

長安縣後亭看畫

水凍橫橋雪滿池新排石笋繞巴籬縣門斜掩
無人吏看畫雙飛白鷺鷺類苑

贈工部郎中二首

金爐煙裏要班頭欲得歸山可自由每度報朝
愁入閣在先教示小千牛

多在蓬萊少在家越緋衫上有紅霞朝回不向
諸餘處騎馬城西檢校花

酬趙侍御

年少同為鄴下游閑尋野寺醉登樓別來衣馬
從勝舊爭向邊塵滿白頭類苑

鑷白

總道老來無用處何須白髮在前生如今不用
偷年少拔卻三莖又五莖類苑

九日登叢臺

平原池閣在誰家雙塔叢臺野菊花零落故宮
無入路西來澗水繞城斜

題蔡中郎碑

萬首絕句卷之廿四

蒼苔滿字土埋龜風雨銷磨絕妙詞不向圖經
中舊見無人知是蔡邕碑類苑闕

江館對雨

鳥聲愁雨似秋天病客思家一向眠艸館門臨
廣州路夜聞蠻語小江邊類苑闕

雨過山村

雨裏雞鳴一兩家竹谿村路板橋斜婦姑相喚
浴蠶去閑著中庭梔子花類苑闕

對雨寄杜書記

煙花雨細相和看著閑書睡更多好是主人

無事日應持小拍按新歌

江陵道中

菱葉參差萍葉重新蒲半折夜來風江村水落
平地出谿畔漁船青艸中類苑闕

江陵使至汝州

回看巴路在雲間寒食離家麥熟還日暮數峯
青似染商人說是汝州山

送山人二首

嵩山古寺離來久回見谿橋野葉黃辛苦老師
看守處爲懸秋藥閉空房類苑闕

山客狂來跨白驢袖中遺卻潁陽書人間亦有
妻兒在拋向嵩陽古觀居類苑

揚州尋張籍不見

別後知君在楚城揚州寺裏覓君名西江水闊
吳山遠卻打船頭向北行類苑

宿長安縣後齋

新向金階奏罷兵長安縣裏繞池行喜歡得伴
山僧宿看雪吟詩直到明類苑

華清宮二首

曉來樓閣更鮮明日出闌干見鹿行武帝自

身不死看修玉殿號長生

酒幔高樓一百家宮前楊柳寺前花內園分得
溫湯水二月中旬已進瓜

宮前柳

楊柳宮前忽地春在前驚動揆春人曉來惟欠
驪山雨洒卻秋條綠上塵

留別張廣文

謝恩新入鳳凰城亂定相逢合眼明千萬求方
好將息杏花寒食的同行類苑

送鄭山人歸山

萬首絕句

萬壽綱目卷之四
玉作車轅蒲作輪當初不起潁陽人一家總入
嵩山去天子因何得諫臣類苑闕

傷墮水鳥

一鳥墮水百鳥啼相弔相號繞故隄眼見行人
車輾過不妨同伴各東西類苑闕

十五夜望月

時會琴客

中庭地白樹栖鴟冷露無聲溼桂花今夜月明
人盡望不知秋思在誰家類苑闕

眼病寄同官

天寒眼痛少心情隔霧看人夜裏行年少往來

常不住牆面凍地馬蹄聲

寄韋諫議

百年看似暫時閒頭白求官亦未閑獨有龍門

韋諫議三徵不起戀青山類苑闕

尋補闕舊宅

知得清名二十年登山上坂乞新篇除書近拜

侍臣去空院鳥啼風竹前類苑闕

上魏博田侍中八首

去處長將決勝籌回回身在陣前頭賊城破後
先鋒入看着紅妝不設收

熨帖朝衣拋戰袍。夔龍班裏侍中高。對時先奏
衙門將次第。天恩與節旄。

踏著家鄉馬脚輕。暮山秋色眼前明。老人上酒
齊行拜。得侍中來盡再生。

功成誰不擁藩方。富貴還須是本鄉。萬里雙旌
汾水上。玉鞭遙指白雲莊。

鼓吹旗幟道兩邊。行男走女喜闐闐。舊交省得
當時別。指點如今卻少年。

廣場破陣樂初休。采燾高於百尺樓。老將氣雄
爭起舞。管弦回作大纏頭。

笳聲萬里動寒山。艸白天清塞馬閑。觸處不如
生處樂。可憐秋月照江關。

將士請衣忘卻貧。綠窻紅燭酒樓新。家家盡踏
還鄉曲。明月街中不絕人。

御獵

青山直繞鳳城頭。澹水斜分入御溝。新教內人
惟射鴨。長隨天子苑東遊。

山店

登登石路何時盡。泱泱谿泉到處聞。風動葉聲
山犬吠。一家松火隔秋雲。

類苑闕

過綺岫宮

玉樓傾側粉牆空，重疊青山繞故宮。
武帝去來紅袖盡，野花黃蝶領春風。

初冬旅遊

遠投人宿趁房遲，僮僕傷寒馬亦饑。
爲客悠悠十月盡，莊頭栽竹已過時。

寄劉蕡問疾

年少病多應爲酒，誰家將息過今春。
除來半夏重煎盡，投著山中舊主人。

夜看揚州市

夜市千燈照碧雲，高樓紅袖客紛紛。
如今不似時平日，猶自笙歌徹曉聞。

觀蠻妓

欲說昭君斂翠蛾，清聲委曲怨於歌。
誰家年少春風裏，拋與金錢唱好多。

華嶽廟二首

女巫遮客買神盤，爭取琵琶廟裏彈。
聞有馬蹄生拍樹，路人來去向南看。

自移西嶽門長鎖，一箇行人一遍開。
古廟參天今見在，夜頭風起覺神來。

老人歌

白髮歌人垂淚行上皇生日出京城如今供奉
多新意錯唱當時一半聲類苑

對酒

爲病比來渾斷酒緣花不免卻知聞從來樂事
關身少主領春風只在君

秋夜對雨

夜山秋雨滴空廊燈照堂前樹葉光對坐讀書
終卷後自鋪衣被掃僧房

和元郎中八月十一至十五夜五首

半秋初入中旬夜已向階前守月明從未圓時
看卻好一分分見傍輪生

亂雲遮卻臺東月不許交依次第看莫爲詩家
先見境被他籠與作艱難

今夜月明勝昨夜新添桂樹近東枝立多地溼
昇牀坐看過牆西寸寸遲

月似圓來漸漸疑玉盤盛水欲侵稜夜深盡放
家人睡直到天明不炷燈

合望月時長望月分明不得似今年仰頭五夜
風中立從未圓時直到圓

新晴後

住處近山常足雨聞晴曬曝舊方茵立秋日後
無多熱漸覺生衣不著身

霓裳詞十首

弟子部中留一色聽風聽水作霓裳散聲未足
重來授直到牀前見上皇
中管五弦初半曲遙教合上隔簾聽一聲聲向
天頭落効得僊人夜唱經
自直梨園得出稀更番上曲不教歸一時跪拜
霓裳徹立地階前賜紫衣

旋翻曲譜聲初足除在梨園未教人宣與書家
分手寫中官走馬賜功臣
伴教霓裳有貴妃從初直到曲成時日長耳裏
聞聲熟拍數分毫錯總知
弦索縱縱隔采雲五更初發滿宮聞武皇自送
西王母新換霓裳月色裙
勅賜宮人澡浴回遙看美女院門開一山星月
霓裳動好字先從殿裏來
傳呼灑部按霓裳新得承恩別作行日晚貴妃
樓上看內人昇下綵羅箱

朝元閣上山風起夜聽霓裳露坐寒宮女月中
更替立黃金梯滑竝行難

知在華清年月滿山頭山底種長生去時留下
霓裳曲半是離宮別館聲

朝天詞寄魏博田侍中十首

山川初展國圖寬未識龍顏坐不安風動白鬚
旌節下過時天子御樓看

相感君臣總淚流恩深舞蹈不知休初從戰地
來無物惟奏新添十八州

催修水殿宴沂公別與諸君總不同隔月太常

花習樂金書牌燻彩雲中

無人設奪在先籌天子開邊送與毬遙索十箱
新樣錦內人昇出馬前頭

御馬牽來親自試珠毬到處玉蹄知殿頭宣賜
連催上未解紅纓不設騎

四海無波乞放閑三封手疏犯龍顏他時若有
邊塵動不待天書自出山

胡馬悠悠未盡歸玉關猶隔吐蕃旗老臣一表
求高臥邊事從今遣問誰

重賜弓刀內宴回看人城外滿樓臺君臣不作

多時別收盡邊旗當日來

老作三公經獻壽臨時猶自語差池私從班裏

來長跪捧上金杯便合儀補

威容難畫改顛顛眉目分毫恐不真有詔別圖

書閣上先教粉本定風神補

寄薛壽校書

萬里橋邊女校書枇杷花裏寄閑居掃眉才子
無多少管領春風總不知如

長門燭

秋夜牀前蠟燭微銅壺滴盡曉鐘遲殘光欲滅

還吹著年少宮人不睡時

別楊校書

從軍秣馬十三年白髮營中聽早蟬故作老丞
身不避縣名昭應管山泉

宮中詞一百首

秘殿清齋刻漏長紫微宮女夜燒香拜陵日到
公卿發鹵簿分頭出太常

羅衫葉葉繡重重金鳳銀鵝各一叢毋遍舞時
分兩向太平萬歲字當中

魚藻池中鎖翠娥先皇行處不曾過如今池底

休鋪錦菱角雞頭積漸多

殿前明日中和節連夜瓊林散舞衣傳報所司

分蠟燭監宮開鎖放人歸

五更三點索金車盡放宮人出看花仗下一邊

催立馬殿頭先報內園家

小殿初成粉未乾貴妃姊妹自來看為逢好日

先移人續向街西索牡丹

內人相續報花開准擬君王便看來逢著五弦

紅繡袋宜春院裏按歌回

巡吹慢遍不相和暗數看誰曲技多明日梨園

花裏設先須逐得內家歌

黃金合裏盛紅雪重結香羅四出花一一傍邊

書勅字中官送與大臣家

天明東上閣門開排仗聲從殿裏來阿監兩邊

相對立遙聞索馬一時回

日高殿裏有香煙萬歲聲長動九天妃子院中

新降誕內家分得酒兒錢

宮花不與外邊同正月長先一半紅供御櫻桃

看守別直無鴉鵲到園中

殿前鋪設兩邊樓寒食宮人步打毬一半走來

齊謁拜上棚先謝得頭籌

太儀前日暖房來囑向昭陽乞藥栽勅賜一窠

紅躑躅謝恩未了奏花開

御前新賜紫羅襦不下金階上軟輿宮局總來

為喜樂院中新拜內尚書

鸚鵡誰教轉舌關內人手裏養來姦語多更覺

承恩澤數對君王憶隴山

分朋閑坐賭櫻桃休卻投壺玉腕勞各把沈香

雙陸子局中鬪累阿誰高

春風院院落花堆金鎖生衣掣不開更築歌臺

起妝殿明朝先進畫圖來

行中第一爭先舞博士傍邊亦被欺忽覺管弦

先破拍急翻羅袖不教知

日冷天晴近臘時玉階金瓦雪離離浴堂門外

抄名入公主家人謝面脂

未承恩澤一家愁乍到宮中憶外頭求守管弦

聲款逐側商調裏唱伊州

雨入珠簾滿殿涼避風新出玉盆湯內人恐要

秋衣著不住薰籠換好香

東風潑潑雨新休昇盡春泥掃雪溝走馬犢車

當御路漢陽公主進雞毬
 風簾水閣壓芙蓉四面鈎闌在水中避熱不歸
 金殿宿秋河織女夜妝紅
 金吾除夜進儺名畫袴朱衣四隊行院院燒燈
 如白日沈香火底坐吹笙
 避暑昭陽不擲盧井邊含水噴鴉雛內中數日
 無呼喚搗得滕王蛺蝶圖
 內宴初休入二更殿前燈火一時明宮中傳旨
 音聲散諸院門開觸處行
 忽地金輿向月陂內人接著便相隨卻回龍武

軍前過當處教開臥鴨池

頰苑闕

樹葉初成鳥護窠石榴花裏笑聲多衆中遺卻

金釵子拾得從池購續羅

鴛鴦瓦上瞥然聲晝寢宮娥夢裏驚元是君王

金彈子海棠花下打流鶯

新秋白兔入于拳紅耳霜毛趁艸眠天子不教

人射殺玉鞭遮到馬蹄前

籠煙紫氣日曛曛宣政門當玉殿風五刻閣前

卿相出下簾聲在半天中

白玉窻中起艸臣櫻桃初出賜嘗新殿頭傳語

金階遠只進詞來謝聖人

內人對御疊花牋繡坐移來玉案邊紅蠟燭前

呈艸本平明昇出閣門宣

千牛仗下放朝初玉案傍邊立起居每日請來

金鳳紙殿頭無事不教書

延英引對碧衣郎江硯宣毫各別牀天子下簾

親考試宮人手裏過茶湯

少年天子重邊功親到凌煙畫閣中教覓勳臣

寫圖本長將殿裏作屏風

樓前立仗看宣赦萬歲聲長拜舞齊

高百尺飛僊爭上取金雞

新調白馬怕鞭聲供奉騎來繞殿行先報諸王

侵早入隔門催進打球名

對御難爭第一籌殿前不打背身毬內人唱好

龜茲急天子捎回過玉樓

新衫一樣殿頭黃銀帶排方韃尾長總把玉鞭

騎御馬綠鬃紅額麝香香

城東北面望雲樓半下珠簾半上鈎騎馬行人

長速過忽防天子在樓頭

宮人拍手笑相呼不識庭前掃地夫乞與金錢

爭借問外頭還似此間無類苑

小隨阿姊學吹笙見好君王賜與名夜拂玉牀

朝把鏡黃金殿外不教行

春來睡困不梳頭懶逐君王苑北遊暫向玉花

階上坐皺錢贏得兩三籌類苑

禁寺紅樓內裏通笙歌引駕夾城中裏頭蕃女

簾前立手把牙梢竹彈弓

別勅教歌不出房一聲一遍奏君王再三博士

留殘拍索向宣徽作徽章

私縫黃帔捨釵梳欲得金僊觀內居近被君王

知識字收來案上檢文書

聖人生日明朝是私地教人囑內監自寫金花

紅榜子前頭先進鳳凰衫

玉蟬金雀三層插翠髻高髻綠鬢虛舞處春風

吹落地歸來別賜一頭梳

射生宮女宿紅妝請得新弓各自張臨上馬時

齊賜酒男兒跪拜謝君王

十三初學擘箏篴弟子名中被點留昨日教坊

新進入竝房宮女與梳頭

紅蠻捍撥帖背前移坐當頭近御筵用力獨彈

高唐雜詩卷之十四
金殿響鳳凰飛出四條弦

春風吹展曲旗竿得出深宮不怕寒誇道自家
能走馬園中橫過覓人看

粟金腰帶碧牙錐散插紅翎玉突枝旋獵一邊
還引馬歸來雞兔繞鞍垂

雲駁花駿各試行一般毛色一般纓殿前來往
重騎過欲得君王別賜名

往來舊院不堪修教近宣徽別起樓聞有美人
新進入六宮未見一時愁

合暗報來門鎖了夜深應別喚笙歌房房下著

珠簾睡月過金階白露多

御池水色春來好處處分流白玉渠密奏君王
知入用喚人相伴洗裙裾

新晴艸色綠溫暾岍雪初消澆水渾今日踏青
歸投晚傳聲流著望春門

家常愛著舊衣裳空插紅梳不作妝忽地下階
裙帶解非時應得見君王

舞來汗溼羅衣徹樓上人扶下玉梯歸到院中
重洒面金花盆裏潑紅泥

青樓少婦研裙長總被抄名入教坊春設殿前

萬首雜詩卷之十四
為隊舞朋頭各自請衣裳類苑闕

艾心芹葉初生小，祗鬪時新不鬪花。總待大家

般數盡袖中拈出鬱金牙類苑闕

眾中偏得君王喚，偷把金箱筆硯開。書破紅蠻

隔子上，旋推當直內人來。

紅燈睡裏喚春雲，月上三更直宿分。金砌雨來

行步滑，兩人擡起隱花裙。

內鷹籠脫解紅條鬪，勝爭飛出手高直上青雲。

還卻下一雙金爪掬花毛。

競渡船頭掉采旗，兩邊濺水溼羅衣。池東爭向

池西岼，先到先書上字歸。

鐙前飛出玉階蟲，未臥常聞半夜鐘。看著中元

齋日到，自盤金線繡真容。

步行送入長門裏，不許來辭舊院花。只恐它時

身到此，乞求恩赦放還家類苑闕

一時起立吹簫管，得寵人來滿殿迎。整頓衣裳

皆著卻，舞頭當拍第三聲。

琵琶先抹綠腰頭，小管丁寧側調愁。半夜美人

雙起唱，一聲聲出鳳凰樓。

春池日暖少風波，花裏牽船水上歌。遙索劍南

新樣錦東宮先釣得魚多
 蜂鬚蟬翅薄鬆鬆浮動搔頭似有風
 一度出時拋一遍金條零落滿函中
 教遍宮娥唱盡詞暗中頭白没人知
 樓中日日歌聲好不問從初學阿誰
 每夜停燈熨御衣銀熏籠底火微微
 遙聽帳裏君王覺上番聲鐘始得歸
 樹頭樹底覓殘紅一片西飛一片東
 自是桃花貪結子錯教人恨五更風
 因喫櫻桃病放歸三年著破舊羅衣
 內中侍從來還去結得金花上貴妃

欲迎天子看花去下得金階卻悔行
 恐見失恩人舊院回頭憶著五弦聲
 自知歌舞勝諸人邀勒君王出內頻
 奉勅宮中修理院地衣簾額一時新
 悶來無處可思量旋下金階旋憶妝
 收得山丹紅藥粉鏡前洗卻麝香黃
 嫌羅不著索輕繡對面教人染退紅
 衫子成來一遍出明朝半片在園中
類苑
 彈棋玉指兩參差背局臨虛鬪著危
 先打角頭

紅子落上三金字半邊垂

類苑

御廚不食索時新每見花開卽是春白日睡多
嬌似病隔簾叫喚女豎人

叢叢洒手繞金盆旋拭紅巾入殿門衆裏遙拋
新摘子在前收得便承恩

兩樓新換珠簾額中尉明朝設內家一樣金盤
五十面紅酥點出牡丹花

盡送春來出內家記巡傳把一枝花散時各自
燒紅燭相逐行歸不上車

宿妝殘粉未明天總立昭陽花樹邊寒食內人

長白打庫中先散與金錢

殿前傳點各依班召對西來入詔蠻上得青花

龍尾道側身偷覷正南山

玉簫改調箏移柱催換紅羅繡舞筵未戴柘枝

花帽子兩行宮監在簾前

宛轉黃金白柄長青荷葉子畫鴛鴦把來不是

呈新樣欲進微風到御牀

類苑

供御香方加減顛水沈山麝每回新內中不許

相傳出已被鑿家寫與人

類苑

窻窻戶戶院相當總有珠簾玳瑁牀雖道君王

不來宿帳中長是炷牙香
蓬萊正殿壓雲鼇紅日初生碧海濤開著五門
遙北望柘黃新靶御牀高
金殿當頭紫閣重僊人掌上玉芙蓉太平天子
朝元日五色雲車駕六龍
未明開著九重關金畫黃龍五色幡宣至銀臺
排仗合聖人三殿冊面番
丹鳳樓前把火開五雲金輅下天來階前走馬
人宣慰天子南郊一宿回
集賢殿裏圖書滿校勘頭邊御印同直跡進來

知字數別收鎖在玉函中

移來女樂部頭邊新賜花檀木五絃綆得紅羅
手帕子當中更畫一雙蟬

藥童食後送雲將高殿無風扇少涼每到日中
重掠鬢义衣騎馬遶宮廊

類苑關

古宮怨

亂鳥啞啞飛復啼宮頭晨夕宮中棲吳王別殿
繞江水後宮不開美人死

祝鵲

神鵲神鵲好言語行人早回多利賂我今庭中

栽好樹與汝作巢當報汝類苑

海人謠

海人無家海裏住采珠殺象為歲賦惡波橫天
山塞路未央宮中常滿庫

哭孟東野二首

吟損秋天月不明蘭無香氣鶴無聲自從東野
先生死側近雲山得散行

其二

老松臨死不生枝東野先生早哭兒旦是洛陽
城裏客家傳一本悼殤詩

看碁

彼此抽先局勢平傍人道死的還生兩邊對坐
無言語盡日時聞下子聲類苑

設酒寄獨孤少府

自看和釀一依方緣著松花色較黃不分君家
新酒熟好時收得被回將

新授戒尼師

新短方裙疊作稜聽鐘洒盃繞青蠅自知戒相
分明後先出壇場禮大僧

于主簿宅看花

小葉稠枝粉壓摧暖風吹動鶴翎開若無別事
為畱難拋卻貧家宿看來

元太守同遊七泉寺

盤磴迴廊古塔淡紫芝紅藥入雲尋晚吹簫管
秋山裏引得獼猴出象林

望定州寺

回看佛閣青山半三四年前到上頭省得老僧
畱不住重尋可更有因由

道中寄杜書記

西南東北暮天斜巴字江邊楚樹花珍重荊州

杜書記閑時多在廣師家

聽琴

無事此身離白雲松風溪水不曾聞至心聽著
僊翁引今看青山圍繞君

贈陳評事

識君雖向歌鐘會說事不離雲水間春夜酒醒
長起坐鐙前一紙洞庭山

寄畫松僧

天香寺裏古松僧不畫枯松落石層最愛臨江
兩三樹水禽棲處解無藤

花褐裘

對織芭蕉雪。毳新長縫。雙袖窄裁身。到頭須向
邊城看。消殺秋風。稱獵塵。類苑闕

夜看美人宮碁

宮碁布局不依經。黑白分明子數停。巡拾玉沙
天漢曉。猶殘織女兩三星。類苑闕

上田僕射

一方新地隔河煙。曾接諸生聽管絃。卻憶去年
寒食會。看花猶在水堂前。類苑闕

樓前

天寶年前勤政樓。每年三日作千秋。飛龍走馬
曾教舞。聞著音聲忽舉頭。類苑闕

聽雨

半夏思家睡裏愁。雨聲落落屋簷頭。照泥星出
依前黑。淹爛庭花不肯休。

冬至後招于秀才

日近山紅暖氣新。一陽先入御溝春。聞君立馬
重來此。沐浴明年稱意身。類苑闕

送人歸丹陽

江城柳色海門煙。欲到茅山始下船。知道君家

萬首絕句卷之二十四
當瀑布菖蒲潭在艸堂前類苑

春早聞鶯

侵黑行飛一兩聲春寒轉小未分明若教更解
諸餘語應向宮花不惜情

題石甕寺

天宮連內繞丹巖塵蓋雲間落數帆遙指上皇
翻曲處百官題字滿面嵌類苑

寄張博士

春明門外作卑官病友經年不得看莫道長安
近于日升天卻易到城難類苑

太和公主和蕃

塞黑雲黃欲渡河風沙味睚雪相和琵琶淚溼
行聲小斷得人腸不在多類苑

舊宮人

先帝舊宮宮女在亂絲猶插鳳凰釵霓裳法曲
渾拋卻獨自花間掃玉階類苑

新晴後

夏夜新晴星較少雨收殘水入天河簷前著熱
衣裳坐風冷渾無撲火蛾

寄妻

彭伉

莫訝相如獻賦遲錦書誰道淚沾衣不須化作
山頭石待我東堂折桂枝

聞猿

蘇拯

秋風颯颯猿聲起客恨猿哀一相似漫向孤舟
驚客心何曾解入笙歌耳

從軍

馬逢

漢馬千蹄合一群單于鼓角隔山聞沙埽風起
紅樓下飛上胡天作陣雲

宮詞二首

金吾持戟護軒簷天樂傳教萬姓瞻樓上美人

相倚看紅妝透出水精簾

玉樓天半起笙歌風送宮人笑語和月影殿開

聞曉漏水精簾捲近秋河

宮怨二首

柯崇

塵滿金爐不在香黃昏獨立重廊笙歌何處
承恩寵一一隨風入上陽

長門槐柳半蕭疏玉輦沈思恨有餘紅淚漸消

傾國態黃金誰爲達相如

公子行

孟賓于

錦衣紅奪彩霞明侵曉春遊向野庭不識農夫

萬首絕句

卷之二

七

辛苦力驕驄踏爛麥青青類苑

題顏氏亭宇

園林蕭灑聞來久欲訪因循二十秋今日開襟
吟不盡碧山重疊水長流類苑

和若邪溪女子題三鄉驛 陸洞

惆悵殘花怨暮春孤鸞舞鏡倍傷神清詞好箇
干人事疑是文姬第二身

和王碩

無姓無名越水濱芳詞空怨路傍人莫教才子
偏惆悵宋玉東家是舊鄰

和李鎬

會稽王謝兩風流王子沈淪謝女愁歸思若隨
文字在路傍空為感千秋

和張綺

洛川依舊好風光蓮帳無因見女郎雲雨散來
音信斷此生遺恨寄三鄉

和高衢

南北千山與萬山軒車誰不思鄉關獨留芳翰
悲前跡陌上恐傷桃李顏

和韋水

唐首續名
卷之二十四
來時歡笑去時哀家國迢迢向越臺待寫百年
幽思盡故宮流水莫相催

和

李昌齡

紅粉蕭娘手自題分明幽怨發雲闈不應更學
文君去泣向殘花歸剡溪

和

王祝

女几山前嵐氣低佳人畱悵此中題不知雲雨
歸何處空使王孫見卽迷

和

劉谷

蘭蕙芬芳見玉姿路傍花笑景遲遲葑蘿山下
無窮意併在三鄉惜別時

和

王條

浣沙游女出關東舊跡新詞一夢中槐陌柳亭
何隄事年年回首泣春風

宋洪魏公進萬首唐人絕句卷之二十四



丁巳初冬廿三夜明燄灯下為宋句時

殆三更

道春氏

